

Konrad von Friedingen versichert Ulrich von Brandis, ihn von seiner Mitbürgerschaft für ein von Rudolf von Friedingen erhaltenes Darlehen von 250 Gulden innerhalb Jahresfrist zu entbinden und mit seinem ganzen Besitz dafür zu haften.

Or. (A), StaatsA Třeboň (Wittingau, Tschechien), Cizí Rody, Registratura Nr. 216. – Pg. 30,4/16,4 cm. – Siegel abh.

l¹ Ich^{a)} Cūnrat von Fridingen¹ vergich^{b)} öffentlich mit disem briefe, als denn der edel junkher V̄lrich || l² frigherre von Brandis² etc. in mitgūlten wyse hinder mich gegen dem vesten Rūdolffen von Fridingen³ || l³ gegangen ist vmb dritthalb hundert Rinscher guldin jnnhalt der schulbriefe, mit mer worten etc., hiervmm || l⁴ mit krafft diss briefs so gelouben jch by minen gūten trūwen für mich vnd all min erben, den selben l⁵ junkher V̄lrichen frigherre von Brandis etc., all sin erben vnd nachkomen, der selben verschribung vnd mit- l⁶ gūltschafft halben jn jars frist des aller nechsten nach dat(um) diss briefs zū entryhen zū ledigen vnd zū lōssen l⁷ vnd sy allenthalben vor allem schaden behūten vnd vergommen. Vnd ôch also, wes sy des selben hinderstands l⁸ hinfūro bekūmert beschedigett oder angelangt wurdint, wie oder gegen wemm das were, das ich vnd l⁹ min erben sy alsdenn allenthalb mit allem vnserm ligenden vnd varenden gūtern, nichtzit vssgenommen, l¹⁰ der masse ledigen lōssen, das jnen ouch darvmb vor aller menglichem hafft verbunden vnd ir recht l¹¹ vnderpfand haissen vnd sin sol, alsolang vil vnd gnūg vntz sy des vilgenanten hindergangs l¹² ône mindrung vnd ouch ône allen jren costen vnd schaden aller dingen halben bezalt vssgericht l¹³ vnd gantz vnclagbar gemacht worden sind, alles getrūwlich vnd vngeuârllich. Vnd des l¹⁴ alles zū ainem offen wârem vrkūnd vnd steter vester gūter sicherhait so han ich obgenanter l¹⁵ Cūnrat von Fridingen darvmb min aigen jnsigel öffentlich für mich vnd all min erben, vnd l¹⁶ für wie vorgeschriben stât, gehenckt an disen briefe. Der geben ist an donstag nechst vor l¹⁷ Churer kirchwiche nâch Cristi vnsers herren geburt vierzehundert nūn vnd sūbentzig jâre etc.

a) *Initiale J 5 cm lang.* – b) *Initiale V 1,2 cm hoch.*

¹ *Konrad V. v. Friedingen (Singen BW), 1454/1457-1481.* – ² *Ulrich v. Brandis, 1452-†1486.* – ³ *Rudolf XII. v. Friedingen, 1466-†1483 erw.*